



МЕСЯЦА МАРТА В 6-Й ДЕНЬ

Святых 42 мученик, иже во Аммории

На Господи, возвах: стихиры, глас 4.

Подобен: Званный свыше:

В последних временех явльшеся, / добропобед-
нии мученицы, / звезды незаходимыя / в
честней тверди церковней, / страдания
свѣтлостію / просветите всю подсолнеч-
ную, / и разрушите прѣлести тьму, всехвальнии, /
и ныне к сиянію вѣчному преидосте. / Тѣмже
вѣрою светоносное и священное ваше страданіе
совершаем, / предстательством благим вашим обо-
гатившеся.

Отведѣнием, Христовы мученицы, / нужным свя-
зани бысте / и затворѣни в темнице вси на долгое
время, / Божественныи веры сущѣ хранителие. /
Отонудуже, яряся, зверь злоименитый, / мечѣм вы
умертви, / не хотящія повинутися сего злым
повелѣнием, / и ныне Вѣшняя наслѣдовасте радо-
стно, / чѣтыредесяте ко двема приложшеся, пре-
славнии, Царствія.

С Константином Васоѣ и Калдиста, / Феодора
вси и Феофила / и прочий Божественный собор
страстотерпец / велегласно восхвалим, / умрѣти бо
произволиша за всяческих Животѣ, / закалающеся
радостно. / И ныне во граде Бога Живаго
почивают / и просят обрести нам / согрешений
оставлѣние в День Судѣ / и совершенное избавле-
ние.

Слава, и ныне, Богородичен:

Иже благочестно поклоняющіяся Твоему
Рождеству / от всякаго спасай навета вражия, /

Богородительнице Всенепорочная, / яко Предстательница всего рода нашего сущи, / Тя бо ныне помощь вси стяжяхом, / прибѣжище же и утверждение / и Ходатаицу ко Владыце Христу и Господу. / Егѡже моли даровати мир миру, молимся, / и грехов разрешение притекающим в кров Твой.

Или крестобогородичен:

Не рыдай Мене, Мати, / зрящи на Древе повешена Твоего Сына и Бога, / Иже на водах повесившаго землю неодолимо / и всю тварь создавшаго, / ибо воскресну, и прославлюся, / и адова царствия сокрушу крепостию, / и погублю того силу, / и связанные избавлю от злодейства его, / яко Благоутробен, / и Отцу Моему приведу, / яко Человеколюбец.

Аще случится в субботу или в неделю, поется и самогласен сей. Слава, глас 2. Мефодиево:

Церковь днесь торжествует таинственно, / новою одеждою одевшись, / яко порфиною и виссоном, / кровью новых страстотерпцев: / сия бо во благочестии воспитавши, / жертву непорочную, приятную и благоугодную, / Христе, Тебе принесе. / Тем победители сия пребеззаконных показавый, / и венчавый, и прославивый, / и нам низпосли тех молитвами велию милость.

На стиховне, Слава, глас 6. Сикейта:

Полк Боговенчанен новоявленных мученик, / заклание непорочное за Христа пожренное усердно, / святоизбранное воинство четыредесяти двою, / мучениколюбцы, приидите, / всесвященную память духовно совершивше, / возопийм к ним: / сокрушите сверепство агарян безбожных / и избавите люди благочестномудренныя / молитвами вашими всякаго обстояния.

Тропарь, глас 4.

Мученицы Твой, Господи, / во страданиях своих венцы прияша нетленные от Тебе, Бога нашего, / имуще бо крепость Твою, / мучителей низло-

жи́ша, / сокруши́ша и де́монов немощны́я дерзос-
сти. / Тех моли́твами / спаси́ ду́ши на́ша.

НА УТРЕНИ

Канон, творение Игнатиево. Глас 8.

Песнь 1

Ирмос: *Воду прошед, яко сушу, / и египетскаго
зла избежав, / израильтянин вопияше: / Избавителю
и Богу нашему поим.*

Во глубину мя падша грехов / и Твоей пучине
прибегаяща щедрот, / мольбами, Христе, страсто-
носец во спасения пристанище настави.

Блистаяся доброю добродетелей, / нося багря-
ницу от кровей мученических, / яко скипетр,
держа крест, / царствуеши с Господем, Феодоре.

В песнях Феодора, вернии, Каллиста, и Васою / и
Феофила с ними вкупе с Константином доблим, / и
прочия восхвалим мученики.

Богородичен: *Изблева Евы во уши яд душелен-
ный льстец и враждебник, / Христа же рождши,
Богомати, / сего вред исцелила еси.*

Песнь 3

Ирмос: *Небеснаго круга Верхотворче, Господи, /
и Церкви Зиждителю, / Ты мене утверди в любви
Твоей, / желаний краю, верных утверждение, /
Едине Человеколюбче.*

Просвещаемь зарюю яко войстинну, славне,
Богочестия / и доброю украшаемь Божествен-
ных деяний, / варварскаго безбожия мрачное раз-
рушил еси, блаженне, злочестие.

Кровей токи, реками текшии из пречистых телес
страстотерпец Твоих, / Царствие Твое и сладости
поток сим исходатаи, / Благоутробне Господи.

Яко звезды, нелестныя страдальцы просиявше /
Церкви святых ныне тверди, / всю озариша все-
ленную лучами своих страданий, доблественней-
шии.

Богородичен: *Воплощся во чреве Твоём / и быв
Человек лучшаго ради, / Сый един Человеколюбец
спасает человека от врат смертных, / Богомати
Пречистая, едина Всепетая.*

Кондак, глас 4.**Подобен: Вознесѣйся:**

На землі Христа́ ра́ди страда́льчествовавшие, /
 я́вльшеся, благочесті́вии венечни́цы, / Небеса́
 прия́сте жи́ти в ра́дости: / вся́кую бо кознь вра́жию
 низложи́вше болѣзньми и кровью́ми ва́ших язв, /
 хва́лящим свѣ́ше прісно грехо́в разреше́ние пода-
 ва́ете.

Седален, глас 8.**Подобен: Премудрости:**

Ведо́ми бы́сте связа́ни от враго́в / и в темни́це
 заклю́чени на временá мно́га, / ве́рою соблюда́еми,
 невредни́и пребы́сте / и, отрѣ́шшеся мечи́ телѣс, /
 святи́и, Божѣ́ственным жела́нием я́ве связа́стеся. /
 Те́мже, я́ко свети́ла, просия́сте в ми́ре, / вся
 просвеща́юще Ду́ха благода́тию, страстоте́рпцы
 блаже́ннии, / моли́те Христа́ Бо́га грехо́в оставле́-
 ние дарова́ти / прáзднующим любо́вию святу́ю
 па́мять ва́шу.

Слава, и ныне, Богородичен:

Яко Де́ву и еди́ну в жена́х, / Тя, без се́мене
 ро́ждшую Бо́га плоти́ю, / вси ублажа́ем, роди́
 челове́честии, / Огнь бо всели́ся в Тя Божества́, / и
 я́ко Младенца́ дойши Зижди́теля и Го́спода. / Тем,
 А́нгельский и челове́ческий род, досто́йно сла́вим
 Пресвято́е Рожде́ство Твое́ / и согла́сно вопие́м
 Ти: / моли́ Христа́ Бо́га согреше́ний оставле́ние
 дарова́ти / поклоня́ющимся ве́рою Пресвято́му
 Рожде́ству́ Твоему́.

Крестобогородичен:

Агнца, и Па́стыря, и Изба́вителя А́гница зря́щи
 на Кресте́, / восклица́ше, пла́чуци, и, го́рько
 рыда́ющи, вопия́ше: / мир у́бо раду́ется, прие́мля
 Тобо́ю изба́вление, / утроба́ же Моя́ горит, зря́щи
 Твое́ распя́тие, / е́же терпи́ши за милосе́рдие
 ми́лости. / Долготерпели́ве Го́споди, ми́лости без-
 дно и исто́чнице неисчерпа́емый, / умилосе́рдися и
 да́руй согреше́ний оставле́ние / ве́рою пою́щим
 Божѣ́ственныя стра́сти Твоя́.

Песнь 4

Ирмос: Ты моя крепость, Господи, / Ты моя и сила, / Ты мой Бог, Ты мое радование, / не оставль недра Отца / и нашу нищету посетив. / Тем с пророком Аввакумом зову Ти: / силе Твоей слава, Человеколюбче.

Укращься добротами подвигов твоих, / одялся еси во хламиду, от кровей твоих очервленную мученических, / и украсился еси диадимом победы. / Темже с мученики пред лицом Господним сликуеши, всеблаженне Феодоре.

В темнице окованы ноги твои железом, Каллисте непобедиме, / мучения нелестную стезю шествовати невозбранно молился еси, / разрешився же мечем от тела, / абие любовью связался еси Зиждителя.

Божественное воинство, богособранный полк, / от многих мест же и градов двоица проста страдалец / с четверочисленною десятицею ныне возсия, законно пострадавшие / и усекаемы в главы за главу всех — Христа.

Богородичен: Ты верных похвала еси, Безвестная, / Ты Предстательница, Ты и прибежище христиан, / стена и пристанище, / к Сыну бо Твоему мольбы носиши, Всенепорочная, / и спасаеши от бед верою и любовью Богородицу Чистую Тя славящая.

Песнь 5

Ирмос: Вскую мя отринул еси / от лица Твоего, Свете незаходимый, / и покрыла мя есть чуждая тьма, окаяннаго? / Но обрати мя и к свету заповедей Твоих / пути моя направи, молюся.

Предзря венцы и пребывающую славу, Феодоре, / дерзновенным нравом страждущим с тобою вопиял еси: / смерти никакоже ужасайтесь, / еюже по мале веселие и живот примете несказанный.

Уязвляемь любовью, блаженне, Владыки твоего / и огнем опаляемь Того желанием, / мучения чашу испил еси, / яже сквернами вторыми никакоже оскверняется, / страдальче всеприснопамятне Каллисте.

Терпеливомудрым нравом первый к страданию самоотшел еси, / поучение мужества сострадающим был еси, Феодоре, / с нимиже наследствовал еси вечная покаяния / и сладость, присно пребывающую.

Богородичен: Разрешение согрешений Твоими молитвами подаждь рабам Твоим, / избавляющим сию напастей, и бед, и скорбей, / и хульных еретиков одержания, / Богородице Дево Всенепорочная.

Песнь 6

Ирмос: Очисти мя, Спасе, / многа бо беззакония моя, / и из глубины зол возведи, молюся, / к Тебе бо возопих, и услыши мя, / Боже спасения моего.

Кровей твоих течения, речно изливаемая, / прелести мутные потоки иссушиша, / верных же напоиша всех сердца, досточудне Феодоре.

От страсти глубинныя возводя твои мученики, / на камени терпения тех утвердил еси, / врагов стопы и строптивых путей уклонившия, Человколбче.

Красно, яко река, из Едема устремившаяся, / град Божий вашими кровьюи веселите, мученицы, / нечестия скверну благочестно очистивше.

Богородичен: Яко одушевленный кивот, Законоположителя вместила еси, / и, яко свят же храм, прияла еси Святаго, / бывша Человека на благодеяние человеков, Богородице Чистая.

Кондак, глас 2.

Подобен: Вышних ищя:

Новоявленные звезды веры, / за Христа усердно пострадавшая, / похвальными венцы достойне вси венчаем, / о нас молящаяся Христу, / яко суще столпы и забрала христианскаго начальства.

Икос:

Агарянскую безбожную веру и лютаго беса прелесть, / от души, страдальцы, ненавидяще и гнушающаяся / и печать Христову Божественную обносяще целу в сердцах, / плещи врагом, ненавидящим Того, не дасте, / паче же усердно вси за

Него́, якоже а́гнцы, закала́еми, / просия́сте по кончи́не, яко со́лнце, / безсме́ртную сла́ву обрётше, / яко столпы́ и забра́ла христиа́нского нача́льства.

Песнь 7

Ирмо́с: *От Иуде́и доше́дше, о́троцы / в Вавило́не иногда́, / ве́рою Тро́йческою пла́мень пе́щный попра́ша, пою́ще: / оте́в Бо́же, благослове́н еси́.*

Яко зако́нно пострада́в, / пра́вды венцы́ прия́л еси́ от Еди́наго Влады́ки / и ны́не Божество́нною добро́тою наслажда́ешися, о Феодо́ре, вопия́: / оте́ц на́ших Бо́же, благослове́н еси́.

К заколе́нию во́льне, яко а́гнец на же́ртву, му́чениче ве́дом, / на Вы́шней положи́лся еси́ трапе́зе же́ртва, / песнопоя́, внегда́ закала́тися: / оте́ц на́ших Бо́же, благослове́н еси́.

Любве́ Твоея́, Сло́ве, огнём в се́рдцы опала́емь, / те́рние злосла́вия попалы́л ест му́ченик, / воспева́я Тебе́, Ка́ллист: / оте́ц на́ших Бо́же, благослове́н еси́.

Исма́ил пребезу́мный, Богому́дрья увещати́ Христа́ отрещи́ся мнев, посра́млен бысть, / тии́ бо внегда́ умира́ти, благоче́стно взыва́ху: / оте́ц на́ших Бо́же, благослове́н еси́.

Богородичен: *Из де́вственнаго чре́ва вопло́щся, яви́лся еси́ на спасе́ние на́ше. / Те́мже, Твою́ Ма́терь ве́дуще, Богороди́цу, благода́рно взыва́ем: / оте́ц на́ших Бо́же, благослове́н еси́.*

Песнь 8

Ирмо́с: *Седмери́цею печь / халде́йский му́читель / Богочесты́вым неисто́вно разжже́, / си́лою же лу́чшею спасе́ны, сия́ ви́дев, / Творцу́ и Изба́вителю вопия́ше: / о́троцы, благослови́те, / священни́цы, воспойте, / лю́дие, превозноси́те во вся ве́ки.*

Страда́льцев лик прило́г тя при́ят, муче́ния добро́тами сия́юща, / возду́х освяты́ся в возвраще́нии твоём, му́чениче, / и А́нгельская собра́шася мно́жества, / земля́ освяты́ся, иде́же лежи́т те́ло твоё, / о терпеливому́дренне Феодо́ре требла́женне.

Наслѣдія уже Господне быв / и к заколенію самоволею влеком, / ужем связатися тебе не приял еси, Каллисте, / отсекаемей главѣ святѣй. / Темже венценосец возшед, / ликуеши с вышними воинствы во веки вся.

Да ублажится Каллист и похвален буди Феодор, / вкупе с Константином чудный Феодил, / Васой крепчайший и прочий мучеников лик, / со Ангельскими ликовствуя лики и поя немолчно: / отроцы, благословите, священницы, воспойте, / людіе, превозносите во вся веки.

В реку ввержени мученицы бывше славному, / по мечнем томлени ведяхуся ко пристанищу благодѣшному, / еже о Христѣ ослабы, / воды прелестныя, токами кровей изсушивше, еже пети научиша: / отроцы, благословите, священницы, воспойте, / людіе, превозносите во вся веки.

Богородичен: Богородительнице Всечистая, души моея язвы и греховныя струпы очисти, / источниками омывающи, сущими из ребр Рождества Твоего / и сущими от них очищающими струями, / к Тебѣ бо взываю, и к Тебѣ прибегаю, / и Тя призываю, Богоблагодатную.

Песнь 9

Ирмос: Ужасѣся о сем Небо / и земли удивѣшася концы, / яко Бог явѣся человеком плотски / и чрево Твое бысть пространнейшее Небес. / Тем Тя, Богородицу, / Ангелов и человек чиновачалия величают.

Дрѣвних мужеству поревновав страстотерпцев, / тех и звания и радости получил еси, Феодоре, войстинну. / Но нас поминай, совершающих твою благочестно память святую, / яко имѣя дерзновение ко Владыце, еже спастися нам.

В струях Иорданских крестивыйся, крестивыйся своими кровьюми / и Того смерти поревновавшия благочестно, в реце мученики соедини, / вверженныя главы к телесем совокупив / и тѣя в пристанище наставив невлаемое.

Четверочисленная мучеников Божественная десятице / с двоицею честною, молитесь, на Небесех ныне живуще в радости, о нас, молимся, /

совершающих на земли вашу всесвятую и светоносную память, / всякаго избавитися обстояния.

Богородичен: Зачала еси, Дево, без семени / всяческая создавшего Слова Божия, / кроме хотений плоти; / без истления же родила еси, без болезней матерних. / Тем Тя, Богородицу, и языком и сердцем исповедающе, величаем.

Светилен.

Подобен: Жены, услышите:

Мучеников ка я убо будет сбитость мучениколюбцу, / памяти Божественных, яко рече Василий прежде Великий? / Нам же ныне предстоит пети Божественных мученики, / два и четыредесят, / терпеливно пострадавшие за Христа Спаса.

Богородичен: Премудрость Ипостасную, и Слово Пресущественное, / и Врача телес и душ рождающая, / струпы и язвы души моея исцели лютыя и временныя / и сердца моего утиши болезни, Дево.

Святые 42 мученика в АммоREE: Константин, Аетий, Феофил, Феодор, Мелиссен, Каллист, Вассой и прочие пострадали во время войны между греческим императором Феофилом (829—842) и сарацинами. Во время осады сарацинами города АммоREE (Фригия, Малая Азия) они были взяты в плен из-за измены военачальника Вадитзиса. АммоREE пала, а пленников отправили в Ассирию. Здесь, в течение 7 лет, они находились в заключении, подвергаясь угрозам и пыткам.

Несмотря на жестокие мучения, пленники отказались принять ислам. Они сохранили непоколебимую верность Христу, Которого продолжали исповедовать перед самой казнью.

Особое мужество проявил воин Феодор, ранее бывший священнослужителем. Его пытались склонить к вероотступничеству, говоря: «Нам известно, что ты, оставив священный

сан, стал воином и проливал кровь. Ты не можешь надеяться на Христа, — признай Магомета». На это мученик с глубоким смирением отвечал: «Я не отрекся от Христа, а за то, что оставил священный сан, должен пролить свою кровь».

Все сорок два мученика были обезглавлены, тела их вместе с честными главами брошены в реку. Через некоторое время река вынесла тела святых, чудесным образом соединенные с их главами. Окрестные христиане взяли их и с честью предали погребению.

Предатель Вадитзис не избежал позорной участи: сарацины убили его, убежденные в том, что нельзя доверять изменнику.

Мученическая кончина святых сорока двух мучеников АммоREEских совершилась на реке Тигре в г. Самарре (ныне на территории Ирака).



**Празднование Пресвятѣй Владычице нашей
Богородице ради иконы Ея, именуемая
«Благодатное Небо»**

Тропарь, глас 6:

Что Тя наречѣм, о Благодатная? / Небо? — яко возсияла еси Сѡлнце Правды; / рай? — яко прозябла еси Цвет нетлѣния; / Дѣву? — яко пребыла еси нетлѣнна; / Чистую Матерь? — яко имѣла еси на святыхъ Твоихъ объятіяхъ Сына, всехъ Бѡга. / Того моли спастися душамъ нашимъ.

Кондакъ, глас 6:

Не имамы инья помощи, / не имамы инья надежды, / разве Тебѣ, Владычице, / Ты нам помози, / на Тебѣ надеемся / и Тобою хвалимся, / Твой бо есмь раби, / да не постыдимся.

Моли́тва

Что Тя наречѣм, о Благодатная Богомати Боготроковице, Пренепорочная Маріе? Кѣими песнопѣнии возвеличимъ Тя, возвеличенную Небомъ и землѣю, Ангелами и человеки? Явися бо на Тебѣ неслышанное отъ вѣка на землѣи и несвѣдомое Ангелами на Небесѣи таинство, паче ума и слова, вочеловѣченія Бѡга Слова, рожденнаго съисконїи отъ Безначальнаго Отца без матери и воплощеннаго в Твоей утробѣ и с нетлѣнною печатію дѣвства Твоего родившагося. О, чудо всехъ древнихъ и новыхъ чудесъ! Непреложное слово Самаго Бѡга о победоносномъ семени жены исполнися и совершися в Безмужней Дѣвѣ. О, неизмеримая глубина премудрости и величїя Божїя! Кѣими имены наречѣмъ Тя, о Невѣста Невѣстная? Зарѣю ли наречѣмъ Тя восходящаго на небѣ сѡлнца? Но Ты — самое Небо, из Тебѣ бо возсия Сѡлнце Правды — Христосъ Богъ нашъ, Спаситель грѣшныхъ. Именуемъ ли Тя вратами, вводящими в потеряннїй прародителями рай, обїловавшїй всеми благами? Но Ты Самá еси благодатнїй рай, произрастившая Цветъ нетлѣния, врачующїй и отгоняющїй

смердѣние грѣха и зловѣние прародѣтельскаго тлѣнія. Наречѣм ли Тя юною Непорочною Дѣвою, не познавшей брака? Но Ты и до старости пребыла Неискусобрачною и дѣвственною до рождѣнія, и в рождѣнии, и по рождѣнии Сына пребыла еси. Наименуем ли Тя Чистою и Святою Маріею, превозшедшею Своєю чистотою всех матерей и праматерей? Но Ты не токмо родила Того Младенца Христа, но и носила Его при Своих персех и питала Твоим матеродѣвственным млеко́м, Того, Иже питает всякое созданіе, Ему́же со страхом и трѣпетом предстоят Небесныя сілы и Его́ же хвалитъ всякое дыханіе и тварь. О, войстинну Ты дивная еси в женах, чудная в дѣвах, неподражаемая в матерех! К Тебе пред Твоимъ Божественнымъ ликомъ припадаем и пред Твоими святыми стопами повергаем и слагаем все наши мысли, желанія, намеренія и чувства. Освятѣ их Твоимъ Богоматернимъ призрѣніем и вознесѣ их, яко жертву нашего смиреннаго сердца, яко малочѣнную лепту нашей духовной нищеты, к Престолу Сына Твоего, Спасителя нашего, да ѣмиже вѣсть судьбами управитъ нашъ путь ко спасенію и наслѣдію Царствія Его́, не имущаго конца во вѣки вѣковъ. **Аминь.**

Икона Божией Матери, именуемая «Благодатное Небо», находится в иконостасе московскаго Архангельскаго собора в Кремле (в нижнемъ ряду, слева от Царскихъ врат). Пресвятая Богородица изображена на иконѣ в рост, на левой рукѣ Ея — Младенецъ Иисусъ. На главѣ Царицы Небесной — корона. Подобная же корона, символизирующая духовную власть, венчаетъ главу Богомладенца. Множество лучей, образующихъ золотое сияніе, исходитъ от Пресвятой Девы и Богомладенца во все стороны. Это сияніе замкнуто в пурпурной сферѣ (мандорлѣ), символизирующей Божественную славу. Вся икона озарена светомъ неземной красоты, являясь какъ бы окномъ в потусторонній мир, напоминая о виденіи святаго Іоанна Богослова: «И явилось на небѣ великое знаменіе: Жена, облеченная в солнце...» (Откр. 12, 1). Про икону «Благодатное Небо»

достоверно известно, что она до начала XV вѣка находилась в Смоленскѣ. Этотъ исконный русскій городъ в началѣ XV вѣка былъ временно присоединенъ къ Литовскому княжеству. Дочь великаго литовскаго князя Витовта (†1430) Софія, ставъ супругой великаго князя Московскаго Василія Дмитриевича (1389—1425), взяла чудотворную икону Божией Матери «Благодатное Небо» съ собою в Москву. У иконы есть и другое названіе: «Что Тя наречемъ». Названія эти восходятъ къ Богородичну 1-го часа: «Что Тя наречемъ, о Благодатная? Небо, яко возсияла еси Солнце Правды; рай, яко прозябла еси Цветъ нетленія; Деву, яко пребыла еси нетленна; Чистую Матерь, яко имела еси на святыхъ Твоихъ объятіяхъ Сына, всехъ Бога. Того моли спастися душамъ нашимъ». Кроме 6 марта, празднованіе в честь иконы Божией Матери совершается в Неделю Всехъ святыхъ.